



Minggu, 18 Agustus 2024

Ogen: 1 Kronika 7:40



PEJUANG SI TERBERITA



Kemerdekan ialoken bangsa Indonesia labo bage-bage saja. Kerina iperjuangkan pahlawan-pahlawan, si pangdingen ngukurken kiniulin negara enda. La ia erjuang guna diri ras kelompokna saja tapi kai si banci ialakokenna ibahanna. Alu semangat si 'menyala' la ia mbiar ngalaken kematen, itangkap ntah pe isiksa penjajah paksa e. Bage kepeken erjuang ningen seh maka ia iergai, ihamati erkiteken si ilakokenna e. Seh genduari ia iinget, isuratken jadi pejuang ras pahlawan negara. Terberita ia i bas sejarah kegeluhen ras bangsa Indonesia enda. Adi si inget piga-piga pahlawan negaranta: Sisingamangaraja, Imam Bonjol, Patimura, Cut Nyak Din ras sidebanna. Jadi pahlawan i bas ngelawan penjajah.

I bas renungenta, kitab Kronika ningetken kerna Aser ras kesusureнна, ia igelari pejuang si terberita janah 26.000 kalak kesusureнна si jadi tentera. Ertina, ibuktikenna ia ras kesusureнна jadi kelompok si terandalken nandangi kegeluhen bangsana. Jadi pejuang si terberita paksa enda banci saja lanai ngangkat senjata, perang ngelawan penjajah tapi ikut ngisi kemerdekanta. Jadi guru, ngajari murid gelah pentar, jadi pegawai si ertaggungjabap ndahiken dahinna. Jadi mahasiswa si tutus atena erlajar, jadi rayat si patuh ras taat nandangi aturen. Alu bage sura-sura bangsanta maka rayatna makmur ras sejahtera banci isehi. Banci si idah ras si begi maka biasana i bas peringten kemerdekanta lit pegawai, pejabat ntah pe guru teladan. I bas paksa-paksa tertentu lit atlit Indonesia si erjuang guna mbela negarana i bas erbage pertandingan. Lit pelajar si ngikuti lomba tertentu si maba gelar negara. Lit penyanyi-penyanyi si jadi kontestan i bas erbage pertandingan si maba gelar ras erbahan merim negaranta. Ia terkenal, terberita janah banci jadi motivasi man kalak sideban.